



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/21-1-40-555-4/21**
Datum: **17.12.2021. godine**

«Agencija za vodno područje rijeke Save» Sarajevo rješavajući po zahtjevu JP "CESTE FEDERACIJE BiH" d.o.o. Sarajevo za izdavanje prethodne vodne suglasnosti za rekonstrukciju magistralne ceste M16 Ugar-Donji Vakuf i M5 Donji Vakuf -Lašva, na osnovu člana 109. stav (1) točka 9. i 10.. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99), donosi

RJEŠENJE **o prethodnoj vodnoj suglasnosti**

1. JP "CESTE FEDERACIJE BiH" d.o.o. Sarajevo daje se prethodna vodna suglasnost za izradu projektne dokumentacije za rekonstrukciju magistralne ceste M16 Ugar-Donji Vakuf i M5 Donji Vakuf -Lašva, na području Kantona Središnja Bosna a u postupku pribavljanja urbanističke suglasnosti.
2. Prethodna vodna suglasnost se odnosi na odvodnju oborinskih voda u površinske vode, za izgradnju mostova, propusta i drugih objekata iznad vodotoka za dionice definisane u točki 1. ovog Rješenja i daje na osnovu pregleda dokumentacije, utvrđenog činjeničnog stanja i pod sljedećim uvjetima:
 - 2.1. Izraditi i revidovati investiciono-tehničku dokumentaciju za segment voda predmetnog objekta iz točke 1. ovog Rješenja na razini potrebnoj za pribavljanje dozvole za građenje u skladu sa propisima koji važe za ovu vrstu objekata.
 - 2.2. Da je rekonstrukcija navedenih dionica usuglašena sa važećom prostorno planskom dokumentacijom Kantona Središnja Bosna za predmetno područje, a što će se potvrditi urbanističkom saglasnošću.
 - 2.3. Radovi na rekonstrukciji navedenih dionica prilagoditi načinu da ne izazivaju posljedični uspor za vrijeme građenja, ne remete strujni režim i ne narušavaju stabilnost i funkciju izgrađenih ili planiranih objekata za zaštitu od poplava.
 - 2.4. Sa vodoprivrednog aspekta kota dna, donjeg stroja puta, treba da bude viša za minimalno 80cm plus u odnosu na kotu velike vode Rijeke Vrbas, ranga pojave 1/100 godina kao i visine ranga pojave 1/100 godina za vodotoke II kategorije.
 - 2.5. Izraditi studiju o monitoringu tijekom same rekonstrukcije i eksploatacije ceste za sve objekte koji se rade u koritu kao i u vodnom dobru pojasu (mostovi, propusti, zahvati u koritu i obalama itd) u cilju kvalitetnog prikupljanje podataka o promjenama u vodotoku, bilo da se radi o geometrijskim promjenama korita ili se radi o promjeni hidrološko – hidrauličkih parametara s procjenom utjecaja na dinamiku morfoloških promjena vodotoka te za svaki pojedini slučaj ocijeniti utjecaj tih promjena na sve predviđene objekte, koji se planiraju graditi kao i druge postojeće objekte i postrojenja, stečena prava korisnika, postojeću infrastrukturu, naselja i slično, te dati prijedlog mjera za sprječavanje i eliminiranje svih štetnih uticaja.
 - 2.6. Svi zahvati u pojasu obala (područje vodnog dobra) i korita moraju uvažiti postojeće imovinsko- pravne odnose i radove svesti u pojas kojim će se najmanje narušiti privatni posjedi i parcele
 - 2.7. Prilikom definiranja načina stabilizacije obale (koje su projektom predviđene) i usvajanje odgovarajuće obloge uvažiti i uvjete koji podrazumijevaju prije svega izgrađenost obale, morfologiju terena, geološki sastav korita, raspored drveća i

- objekata i sl., odnosno uređenja obala treba uklopiti u postojeći ambijent sa minimalnim narušavanjem prirodnog stanja koristeći, gdje je god to moguće, prirodne materijale.
- 2.8. Projektnom dokumentacijom definirati organizaciju i tehnologiju izvođenja radova na rekonstrukciji navedenih dionica kojom će se moguće štete u koritu i na obalama rijeke Vrbas kao i ostalih vodotoka, odnosno moguće štetne promjene režima voda svesti na najmanju moguću mjeru.
 - 2.9. Predmjerom radova predvidjeti i radove na uklanjanju svih pomoćnih objekata i radove na čišćenju i uređenju korita i obala po završetku rekonstrukcije navedenih dionica.
 - 2.10. Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, gasovodne, PTT i dr.) te dati tehničko rješenje za ukrštanje ili izmještanje istih.
 - 2.11. Sagledati sve moguće neželjene uticaje na planirane objekte za zaštitu od štetnog djelovanja voda i zaštitu voda kao i planiranih objekata i postrojenja na druge objekte i postrojenja, stečena prava korisnika, postojeću infrastrukturu, naselja i slično te dati prijedlog mjera za sprječavanje tih uticaja u toku izgradnje i korištenja istih uključujući i standardne i dodatne mjere zaštite..
 - 2.12. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
3. Investiciono-tehnička dokumentacija treba biti urađena i revidovana od strane pravnih lica koja imaju ovlaštenje pribavljeno od strane Federalnog ministarstva poljoprivrede, vodoprivrede i šumarstva (lista «A») shodno Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt («Službene novine Federacije BiH», broj 17/08 i 38/12).
 4. Nakon izrade projektne dokumentacije u skladu sa uvjetima iz ovog dispozitiva, a prije pribavljanja odobrenja za građenje, podnosilac zahtjeva je dužan ishodovati vodnu suglasnost na predmetnu projektnu dokumentaciju za rekonstrukciju navedenih dionica uzimajući u obzir sve uvjete iz ove suglasnosti.
 5. Uz zahtjev za izdavanje vodne suglasnosti, pored revidirane investiciono-tehničke dokumentaciju urađene u skladu sa uvjetima iz dispozitiva ovog rješenja, podnosilac zahtjeva treba dostaviti i dokumentaciju utvrđenu članom 8. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
 6. Ova prethodna vodna suglasnost se daje sa rokom važenja od 3 (tri) godine od dana pravosnažnosti ovog rješenja i ista prestaje da važi ukoliko ne bude pribavljena urbanistička suglasnost za rekonstrukciju navedenih dionica i ne bude podnesen zahtjev za izdavanje vodne suglasnosti.
 7. Ukoliko nakon izdavanja ove prethodne vodne suglasnosti, a u toku pripreme dokumentacije za podnošenje zahtjeva za izdavanje vodne suglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj suglasnosti, nosilac prava iz prethodne vodne suglasnosti dužan je o nastanku tih okolnosti obavijestiti ovu Agenciju, odnosno obavezno navesti okolnosti u zahtjevu za izdavanje vodne suglasnosti.

Obrazloženje

JP "CESTE FEDERACIJE BiH" d.o.o. Sarajevo uputili su ovoj Agenciji zahtjev za izdavanje prethodne vodne suglasnosti za rekonstrukciju magistralne ceste M16 Ugar-Donji Vakuf i M5 Donji Vakuf -Lašva.

Uz zahtjev je dostavljena sljedeća dokumentacija:

- Ovjerena kopija Upisa u sudski registar br. 065-0-Reg-18-008193 od 20.9.2021. god. izdan od Općinskog suda u Sarajevu.

- Ovjerena kopija Uvjerjenja o poreznoj registraciji izdanog dana 14.04.2011.god. od strane Porezne uprave Federacije BiH – Kantonalni porezni ured Sarajevo,
- Ovjerena kopija Rješenja o prestanku registracije/upisa u jedinstveni registar obveznika indirektnih poreza, broj: 04/1-UPJR/1-2227-1/11 izdanog dana 07.09.2011. godine od strane Uprave za indirektno-neizravno oporezivanje Banja Luka,
- Studija za prethodnu vodnu suglasnost za rekonstrukciju ceste M16 Ugar-Donji Vakuf i M5 Donji Vakuf -Lašva, izrađen od INTEGRA d.o.o. Mostar iz 2021.god,
- Kopija katastarskog plana,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj pravnoj stvari.

Pored navedenog, utvrđeno je da, shodno članu 7. i članu 12. stav (1) točka 1. Zakona o vodama, sa aspekta sektora voda ne postoje smetnje da se JP "CESTE FEDERACIJE BiH" d.o.o. Sarajevo izda prethodna vodna suglasnost za rekonstrukciju navedenih dionica, pod određenim uvjetima.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uvjetima, načinu izdavanja i čuvanja vodnih akata o zahtjevu je dana 23.11.2021. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Jajcu, i u dnevnom glasilu «OSLOBODENJE». U ostavljenom roku nije bilo pisanih izjašnjenja o predloženim aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, propisani su uslovi koje projektna dokumentacija treba da ispuni, a ista će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno članu 111. Zakona o vodama, člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 u skladu sa Zakonom o izmjenama i dopunama Zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.građ.

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- JP "CESTE FEDERACIJE BiH" d.o.o. Sarajevo, Terezija br.54, Sarajevo
- ⊗ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava